

riam esse avem, & furunculam deprehenderunt indigenæ. Ignem enim clanculum ædibus sæpe subijcit, nummulosque sublegit, & abscondit.

Hoc in loco maxime contrahitur regio, quasi in Isthmum, vix enim quatuor milliaria hinc ad superum mare, sive Sabrinianum interjacent. Pauloque supra montem sinus satis latus patet *Mountsbay* à monte dictus, ubi tutissima navium statio est, faviente Austro & Phœnicia, sex vel septem orgias medio maris recessu profunda. Magis ad Ortum surgit *Godolcan* collis stanni venis ferax & celebris (*Godolphin* nunc vocant) suis tamen dominis ejusdem cognominis multo est celebrior, qui generis vetustatem virtutibus adæquarunt. Nomen vero in Cornwallica lingua ab *Aquila alba* est factum, & Aquilam bicipitem albam expansam inter tria Lilia itidem alba in rubro scuto pro insignibus hæc familia jam olim usurpavit.

Ad Austrum vero statim à Michaëlis Monte protruditur Chersonesus, ad cujus ingressum *Heilston* cernitur, patria lingua *Hellas* ob falsam aquam affusam, oppidum signandi stanni privilegio celebre. Sub quo plurimis aquis confluis stagnum 2 mill. pass. longitudine efficitur, *Loopoole* dicunt, tenui intercurrente pulvino à mari divisum, quod cum undarum violentia perrumpitur, admirandus aquarum latratus tota vicinia longe exauditur. Nec ita procul inde sepimentum militare visitur, (*Ear. h* vocant) è congestis sine cœmento saxi magno ambitu constructum, cujusmodi & alia hinc inde occurrunt, Danico bello, ut credimus, posita. Nec dissimile est munitionibus illis Britannorum, quas rudes & informes saxorum compages vocat Tacitus. Chersonesus autem ipsa quæ satis magna est, & viculis referta, *Meneg* appellatur, MENNA proculdubio illa, quam ex Cornelio, nescio an Tacito, annalium scriptore, Iornandes in Geticis describit, & *Memma* in nonnullis exemplaribus concipitur. Est enim (inquit ille) in extrema Britannie parte, metallis plurimis copiosa, herbis frequens, & his feracior omnibus, quæ pecora magis, quam homines alant. Quod tamen metallis etiam plurimis copiosam esse dixerit, nunc ita est indiga, ut jam olim exhausta videatur. Hæc nautis hodie *the Lisard* vocatur, Ptolemæo DANMONIORVM, PROMONTORIVM & OCRINVM, Æthico in sua portentosa Geographia OCRANVM Oceanique occidentalis montibus annumeratur. An ab *Oera* quod ut Sextus Pompejus habet, confragosum montem sonat, non affirmarim: *Ocrea* tamen inter Alpes, *Ocriculum*, & *Interocrea*, à prærupto situ nomen traxerunt. Verum cum *Ochr* Britannice aciem sonat, quid si factam appellationem huic promontorio arbitraret, quod acuminatum sit, & in conum desinat? Reducto ab hoc *Meneg* littore, sinus frequentibus, & angulosis recessibus portuosus occurrit *Vale* fluviolum recipiens, ad quem

Voluba.

Falemouth.

interius antiquum floruit oppidum VOLUBA, à Ptolemæo memoratum: sed jam olim vel intercidit, vel nomen amisit, quod tamen in *Volubæ*, sive *Falemouth* portu nunc superest. Portus hic est æque nobilis, ac ipsum Italiæ Brundisium, navium capacissimus, centum enim naves tortuosis sinibus ita seorsim stare possunt,

ut ex nulla mali summitas in altera conspiciatur; & tutissimus à ventis utique altis crepidinibus undique incinctus. In ipso aditu rupis ardua & prærupta *Crage* ab incolis vocata, surgit. Fauces utrinque muniunt ad loci præsidium & hostium terrorem castella, hinc S. *Mauditi* ad Ortum & illinc *Pendinas* ad Occasum, ab Henrico VIII *Pendinas*. De quibus Poëta Antiquarius.

*Pendinas tenet asperi cacumen
Celsum montis, & intonat frequenter.
Mauditi quoque subsidet rotundum
Castrum, & impetu fulminat furenti,
Portus ostia qua patent Falensis.*

Portus vero ipse, CENIONIS ostium Ptolemæo nuncupatur, à *Geneu* proculdubio Britannica dictione, quæ ostium & ingressum notat, idque loquitur *Tregenie* oppidum adjunctum, hoc est, si interpreteris, *Oppidulum ad ostium*. Oppida interioribus hujus portus sinibus incumbunt nonnulla: *Peryn* celebris mercatus, ubi *Walterus Bronescome* Episcopus Oxoniensis anno 1288 Collegiatam Ecclesiam, *Glasnith* vocant, & duodecim Præbendarios instituit: *Arwenak* vetustæ & claræ familiæ *Killegreworum* sedes: *Truro* Cornwallice *Truru* à tribus plateis dictum duobus rivulis quasi incinctum, Majore, quem vocant, & privilegiis pro re metallica clarum, & *Grampound*, à portu disjunctissimum: Cui subjicitur ad mare *Roseland* territorium, ita dictum, ut aliis placet, quasi rosetum; ut aliis videtur, quod ericetum sit. Hoc enim *Ros* Britannice significat. Vnde *Rossie* in Scotia, & *Rossie* alteri in Cambria nomen, utpote qui tractus satis siticulosi & aridi, sed hic colonorum industria lætior, & feracior. Post hanc *Rossiam* statim Oceanus recedentes terras diffusiore sinu occupat, quem *Trueardraith bay* vocant, id est, si interpreteris, *Sinus Oppidi ad sabulum*.

Vix duobus hinc milliariis, qua *Fawey* flumen mari illabatur, *Fowey* oppidum, *Foath* Britannice, crepidine porrectum jacet, bellis navalibus superiori ætate celebratissimum, quod & publica insignia testantur, quæ ex quinque portuum insignibus componuntur. Ad portum moles utrinque habet ab Edwardo IIII posita. Qui brevi post tempore *Fawensibus* istis subiratus, quod Gallico bello sopito prædabundi Gallicam oram infestassent, naves omnes, & apparatus nauticum ademit. E regione ad alteram ripam sedet *Hall* amœnissimo ambulacro in collis devexo notissima domus Guil. *Mohun* Equitis aurati antiqua & illustri nobilitate, qui à *Mohunis* *Somerfetti*, & *Courtneis* *Devoniæ* Comitibus procreatus.

Interius ad eundem fluvium VZELLA Ptolemæi situm habet, quæ nomine non prorsus perditio, *Lestuthiell* hodie dicitur, à situ nomen sortita: collem enim editum, ubi *Lestormin* est castrum antiquum, occupavit; nunc autem in convallem translata subsidet. *Vchel* vero Britannice idem sonat, quod altum & editum, unde & *Vxellodunum* Galliæ nomen habet, quod in monte situm, præruptum esset undique oppidum. *Pen-Vchelcoit*, id est, *Mons editus in sylva*, Britannica historia hæc vocatur, quam nonnulli *Exoniam* esse volunt. Verum situs apud Ptolemæum & nomen

Mountsbay.

Godolphin hill.
Godolphinorum familia.

Loopoole.

Menna.
Meneg.

Ocrinum.
The Lisard.

Cenionis ostium.

Perin.
Glasnith.

Arwenak.
Truro.

Rossia.

Foy.

Mohuni.

Vzella.
Britanni literam x non habent.

Vxellodunum
Galliæ.